

Was merr su babbeld

Honnes? Honnes?
Ja-a! Wo bissden?
Uff de Terrass. Kumm emol her.
Hier bin ich. Was hosde donn?
Gugg emol uff de Disch.
Was issen uffem Disch?
Ei gugg doch emol.
Isch seh nix. Was issen doo?
Enn Käfer. Siehsde den nitt?
A ja, der krawweld onn de Dischkont entlong.
Schunn die gons Zeit krawwelld der doo erum.
Lossen krawwelle, irschendwonn fliehderr fort.
Gugg derrn emol oo, den Käfer.
Ei ja. Der dut e bissi komisch ausseh, odder?
Dess moon isch aach.
Dess iss koon Flerschemer Käfer, naa.
Honnes?
Was iss?
Merr dut vill lese iwver ausländische Käfer.
Dess kann ooner soi.
Die solle joo gifdisch soi wennse steche.
Isch glaab awwer nitt, dass der steche dut.
Waaß merrs.
Naa. Was mache merr mett dem?
Mir guggen erst nochemol oo.
Der sieht joo schee aus, moonsde nitt?
Mett braune Flitsch mett graue Dubbe.
Unn dene longe Fiehler,
Wo giehsden hie?
Ei de Foto holle.
Donn eil dich, sunnst mächder ab.
So, jetz fotografier isch den Käfer.
Wo warsden su long?
Isch hab de Foto geholld.
Hosden gesuchd?
Naa, isch habb e onner Objektiv druff gemachd.
Donn fotografier ... ei wo isser donn?
Isser fort? Tatsächlich. Isser fortgefloh?
Isch waaß nitt, isch habb grad nitt hiegeguggd.
Hoffendlich isser nitt in die Wohnstubb enoi.
Donn kennen merrn suche.
No ja, der werrd schunn nix mache.
Enn scheene Käfer war dess.
Enn dolle Käfer. Waaßde noch, dess Kättche?

Honne491

Waaßde noch, de Schorsch?

Ui jeh, was hadde die fern Krach.

Wie war dess nochemol?

Seet doch vor e paar Woche de Schorsch zum Kättche: Ach Kättche, was bissde fern dolle Käfer gewese! Doo seets Kättche: Unn zimmlich long, gelle? De Schorsch druff: Ja, su long bis merr geheirat hawwe. Zwa Daach hotts Kättche doodruffhie gemotzt.

Eiern Honnes